


“ТАСДИКЛАЙМАН”
Вилоят СЭО ва ЖСБ бошлиғи
А.Н.Мустанов
2023 йил “ 27 ” - март

**ВИЛОЯТ САНИТАРИЯ - ЭПИДЕМИОЛОГИК ОСОЙИШТАЛИК ва ЖАМОАТ
САЛОМАТЛИГИ БОШҚАРМАСИДА ЎТКАЗИЛГАН ЙИҒИЛИШНИНГ**

Б А Ё Н И **14** - сонли

2023 йил “ 27 ” - март

Термиз шаҳри

Йиғилиш раиси:- А.Н.Мустанов вилоят СЭО ва ЖСБ бошлиғи.

Иштирок этди: - Вилоят СЭО ва ЖСБ бошлиғи ўринбосарлари, бўлим ва лаборатория мудирлари ва врачлари, ўрта тиббиёт ходимлари, жами бўлиб йиғилишда 62 нафар ходимлар иштирок этишди.

К У Н Т А Р Т И Б И :

Ўзбекистон Республикасининг Қонуни “**Техник жиҳатдан тартибга солиш тўғрисида**”ги Қонунчилик палатаси томонидан 2022 йил 15 июлда қабул қилинган Сенат томонидан 2022 йил 27 декабрда маъқулланган

Кун тартибидаги масала юзасидан йиғилиш раиси вилоят СЭО ва ЖСБ бошлиғи А.Н.Мустанов, кун тартибдаги масала билан таништирди ва сўзни бошқарма бошлиғи ўринбосари Ш.Сулаймоновга берди.

Қонун 8 боб, 53 моддадан иборат.

1-боб. Умумий қондалар

1-модда. Ушбу Қонуннинг мақсади

Ушбу Қонуннинг мақсади техник жиҳатдан тартибга солиш соҳасидаги муносабатларни тартибга солишдан иборат.

2-модда. Ушбу Қонуннинг қўлланилиш соҳаси

Ушбу Қонуннинг амал қилиши техник жиҳатдан тартибга солиш соҳасидаги техник регламентларни ишлаб чиқиш, қабул қилиш ва қўллаш, мувофиқликни баҳолаш ҳамда давлат назоратини амалга ошириш чоғида юзага келадиган муносабатларга нисбатан татбиқ этилади.

Ушбу Қонуннинг амал қилиши:

санитария, фитосанитария ва ветеринария чоралари;

меҳнатни муҳофаза қилиш соҳасидаги чоралар;

бухгалтерия ҳисоби стандартлари;

қимматли қоғозлар эмиссияси стандартлари ва қимматли қоғозлар эмиссияси рисолалари, баҳолаш фаолияти стандартлари;

тиббий ёрдам стандартлари;

давлат таълим стандартлари билан боғлиқ муносабатларга нисбатан татбиқ этилмайди.

3-модда. Техник жиҳатдан тартибга солиш тўғрисидаги қонунчилик

Техник жиҳатдан тартибга солиш тўғрисидаги қонунчилик ушбу Қонун ва бошқа қонунчилик ҳужжатларидан иборатдир.

Агар Ўзбекистон Республикасининг халқаро шартномасида Ўзбекистон Республикасининг техник жиҳатдан тартибга солиш тўғрисидаги қонунчилигида назарда тутилганидан бошқача қоидалар белгиланган бўлса, халқаро шартнома қоидалари қўлланилади.

4-модда. Асосий тушунчалар

Ушбу Қонунда қуйидаги асосий тушунчалар қўлланилади:

аризачи — мувофиқликни баҳолашни амалга ошириш учун маҳсулот тақдим этган жисмоний ёки юридик шахс;

давлат назорати органи — техник жиҳатдан тартибга солиш соҳасидаги норматив ҳужжатлар талабларига риоя этилиши устидан давлат назоратини амалга оширишга ваколатли бўлган давлат бошқаруви органи;

ишлаб чиқарувчининг ваколатли вакили — ишлаб чиқарувчи (чет эл ишлаб чиқарувчиси) билан тузилган шартнома асосида Ўзбекистон Республикаси ҳудудида маҳсулотнинг мувофиқлигини баҳолашда ва уни муомалага чиқаришда ушбу ишлаб чиқарувчи номидан ҳаракатларни амалга оширадиган тадбиркорлик субъекти;

маҳсулот — фаолиятнинг моддий-ашёвий шаклда тақдим этилган ва хўжалик мақсадида ҳамда бошқа мақсадларда фойдаланиш учун мўлжалланган натижаси;

маҳсулотни муомалага чиқариш — тадбиркорлик фаолиятини амалга ошириш доирасида маҳсулотни Ўзбекистон Республикаси ҳудудида тарқатиш мақсадида етказиб бериш (реализация қилиш) ёки олиб кириш (ишлаб чиқарувчининг омборидан жўнатиш ёки омборга жойламасдан юклаб жўнатиш);

мувофиқлик тўғрисидаги декларация — ишлаб чиқарувчи, ишлаб чиқарувчининг ваколатли вакили, сотувчи ёки импорт қилувчи муомалага чиқариладиган маҳсулотнинг техник жиҳатдан тартибга солиш соҳасидаги норматив ҳужжатлар талабларига мувофиқлигини тасдиқлайдиган ҳужжат;

мувофиқликни декларациялаш — маҳсулотнинг техник жиҳатдан тартибга солиш соҳасидаги норматив ҳужжатлар талабларига мувофиқлигини мажбурий равишда тасдиқлаш шакли;

савдодаги техник тўсиқ — маҳсулот келиб чиққан мамлакатга (жойга) қараб маҳсулотга ва мувофиқликни баҳолаш тартиб-таомилларига доир мажбурий талабларнинг турлича қўлланилиши оқибатида мамлакатлар ўртасидаги савдода юзага келадиган тўсиқ;

синаш лабораторияси — синашни амалга оширувчи юридик шахс ёки унинг таркибий бўлинмаси;

сотувчи — маҳсулотни реализация қиладиган, Ўзбекистон Республикасининг резиденти бўлган тадбиркорлик субъекти;

техник жиҳатдан тартибга солиш — маҳсулотнинг хавфсизлигига, уни ишлаб чиқариш жараёнларига ва усулларига доир талабларни белгилаш, қўллаш ҳамда бажариш, шунингдек уларга риоя этилишини мувофиқликни баҳолаш ва давлат назоратини амалга ошириш орқали текшириш;

техник жиҳатдан тартибга солиш соҳасидаги норматив ҳужжатлар — техник регламентлар ва стандартлар;

техник регламент — маҳсулот хавфсизлигининг қўлланилиши мажбурий бўлган тавсифлари ёки улар билан боғлиқ бўлган ишлаб чиқариш жараёнлари ва усуллари, қоидалар белгиланган ҳужжат;

хизмат — жисмоний ва юридик шахсларнинг эҳтиёжларини қаноатлантиришга қаратилган, натижалари ашёвий шаклга эга бўлмаган фаолият.

5-модда. Техник жиҳатдан тартибга солишнинг асосий принциплари

Техник жиҳатдан тартибга солишнинг асосий принциплари қуйидагилардан иборат: техник регламентларни қўллашнинг бирлиги;

техник жиҳатдан тартибга солиш соҳасида тадбиркорлик субъектларининг камситилишига ва инсофсиз рақобатга йўл қўйилмаслиги;

техник жиҳатдан тартибга солишнинг ҳамда мувофиқликни баҳолашнинг бирлиги ва яхлитлиги;

мувофиқликни баҳолаш органларининг ишлаб чиқарувчилардан, сотувчилардан ва харидорлардан (истеъмолчилардан) мустақиллиги;

мувофиқликни мажбурий баҳолаш тартиб-таомилларини амалга оширишда синаш ҳамда ўлчаш қоидаларининг ва усулларининг бирлиги;

давлат назоратига ва мувофиқликни баҳолашга доир ваколатларнинг бир орган томонидан бирга қўшиб бажарилишига йўл қўйилмаслиги;

икки ва ундан ортиқ давлат назорати органида айна бир ваколатларнинг такрорланишига йўл қўйилмаслиги.

37-модда. Давлат назорати органларининг ва улар мансабдор шахсларининг жавобгарлиги

Давлат назорати органлари ва уларнинг мансабдор шахслари назорат тадбирлари ўтказилаётганда ўз ваколатларини (хизмат вазифаларини) бажармаган ёки лозим даражада бажармаган ёки ғайриҳуқуқий ҳаракатлар (ҳаракатсизлик) содир этган тақдирда, белгиланган тартибда жавобгар бўлади.

Давлат назорати органлари айбдор бўлган ўз мансабдор шахсларига нисбатан қўрилган чоралар тўғрисида ҳуқуқлари ва қонуний манфаатлари бузилган тадбиркорлик субъектларига бир ой ичида ҳабар қилиши шарт.

40-модда. Маҳсулотнинг техник регламентлар талабларига мувофиқ эмаслиги тўғрисида ахборот олинган тақдирда давлат назорати органларининг ҳаракатлари

Маҳсулотнинг техник регламентлар талабларига мувофиқ эмаслиги тўғрисида ахборот олинган тақдирда давлат назорати органлари олинган ахборотнинг ишончлилигини текширишни мумкин қадар қисқа муддатларда амалга оширади.

Олинган ахборотнинг ишончлилигини текширишни амалга ошириш чоғида давлат назорати органлари:

маҳсулот тўғрисидаги ёки маҳсулотга доир талаблар билан боғлиқ бўлган маҳсулотни лойиҳалаштириш, ишлаб чиқариш, монтаж қилиш, ишга тушириш, ундан фойдаланиш, уни сақлаш, ташиш, реализация ҳамда утилизация қилиш жараёнлари тўғрисидаги қўшимча ахборотни, шу жумладан мажбурий мувофиқликни тасдиқлашни амалга ошириш чоғида ўтказилган тадқиқотлар (синаш) ва ўлчаш натижаларини ишлаб чиқарувчидан, ишлаб чиқарувчининг ваколатли вакилидан, ижроқидан, сотувчидан, импорт қилувчидан ва бошқа шахслардан сўраб олишга;

давлат ва хўжалик бошқаруви органларига, шунингдек маҳаллий ижро этувчи ҳокимият органларига сўровлар юборишга;

зарур бўлганда, мутахассисларни олинган материалларни таҳлил қилиш учун жалб этишга;

ишлаб чиқарувчидан, ишлаб чиқарувчининг ваколатли вакилидан, сотувчидан, импорт қилувчидан маҳсулотнинг техник регламентлар талабларига мувофиқлигини мажбурий равишда тасдиқлашни амалга ошириш чоғида фойдаланилган далилларни ва бошқа ҳужжатларни сўраб олишга ҳақли.

Маҳсулотнинг техник регламентлар талабларига мувофиқ эмаслиги тўғрисидаги ахборотнинг ишончлилиги тасдиқланган тақдирда, давлат назорати органи ишлаб чиқарувчи, ишлаб чиқарувчининг ваколатли вакили, сотувчи, импорт қилувчи томонидан зарар етказилишини бартараф этишга доир тадбирлар дастурини ўн кун ичида ишлаб чиқиш ҳақида ўз ваколатларига мувофиқ кўрсатма беради, уни бажаришга қўмаклашади ва унинг бажарилиши устидан назоратни амалга оширади.

Давлат назорати органи зарар етказилишини бартараф этишга доир тадбирлар дастурининг бажарилиши устидан назоратни амалга ошириш чоғида:

зарар етказилишини бартараф этишга доир тадбирларни амалга ошириш муддатлари ва тартиби тўғрисидаги ахборотни тарқатишга кўмаклашади;

ишлаб чиқарувчидан, ишлаб чиқарувчининг ваколатли вакилидан, сотувчидан, импорт қилувчидан ва бошқа шахслардан зарар етказилишини бартараф этишга доир тадбирлар дастурида кўрсатилган тадбирлар амалга оширилганлигини тасдиқловчи ҳужжатларни сўраб олади;

зарар етказилишини бартараф этишга доир тадбирлар дастурида кўрсатилган муддатларга риоя этилишини текширади.

Техник регламентлар талабларига мувофиқ бўлмаган маҳсулотдан фойдаланиш чоғида фуқароларнинг ҳаётига ва соғлиғига зарар етказилишини ёхуд шундай зарар етказилиши хавфини бартараф этиш бўйича зудлик билан чоралар кўриш зарур бўлган тақдирда, давлат назорати органи:

ушбу маҳсулотнинг реализация қилинишини тўхтатиб туриш тўғрисида кўрсатма беради;

бу маҳсулотнинг техник регламентлар талабларига мувофиқ эмаслиги ва ушбу маҳсулотдан фойдаланиш чоғида фуқароларнинг ҳаётига ёки соғлиғига зарар етказилиши хавфи тўғрисида харидорларни (истеъмолчиларни) оммавий ахборот воситалари орқали хабардор қилади;

ушбу маҳсулотни мажбурий равишда чакириб олиш тўғрисидаги даъво аризаси билан судга мурожаат қилиш ҳақида қарор қабул қилади.

Ишлаб чиқарувчи, ишлаб чиқарувчининг ваколатли вакили, сотувчи, импорт қилувчи давлат назорати органининг ҳаракатлари устидан суд тартибида шикоят қилишга ҳақли.

Давлат назорати органи ҳаракатларининг ғайриқонунийлиги тўғрисида суд қарори қабул қилинган тақдирда, давлат назорати органининг ҳаракатлари туфайли ишлаб чиқарувчига, ишлаб чиқарувчининг ваколатли вакилига, сотувчига, импорт қилувчига етказилган зарарнинг ўрни қопланиши лозим.

Юқорида баён қилинганлардан келиб чиқиб, йиғилиш

Қ А Р О Р Қ И Л А Д И :

1. Шаҳар ва туман СЭО ва ЖСБ бошлиқларига:

1.1. Ўзбекистон Республикасининг Қонуни **“Техник жихатдан тартибга солиш тўғрисида”**ги Қонунчилик палатаси томонидан 2022 йил 15 июлда қабул қилинган Сенат томонидан 2022 йил 27 декабрда маъқулланган Қонун раҳбарлик ва ижро учун қабул қилинсин.

1.2. Ушбу Қонуннинг мазмун - моҳияти барча мутахассисларга етказилсин.

1.3. Вилоят СЭО ва ЖСБнинг 2023 йил 25-мартдаги 04/718-сонли хати асосида ишлар ташкиллаштирилсин.

1.4. Телеграммдаги sanepidqum (ҳужжатлар базасига) кириб кейинги маълумотларни олиш мумкин.

Баённома тузувчи



А.Саидов



**SANITARIYA – EPIDEMIOLOGIK OSOYISHTALIK VA JAMOAT SALOMATLIGI
QO'MITASINING SURXONDARYO VILOYATI BOSHQARMASI**

BUYRUQ

2023 yil « 3 » aprel

№ 3781-T

Termiz sh.

“Ходим бириктириш тўғрисида”

Ўзбекистон Республикаси Вазирлар Маҳкамасининг “Хукукий ахборотни тарқатиш ва ундан фойдаланишни таъминлаш тўғрисидаги Ўзбекистон Республикаси Қонунини амалга ошириш чора-тадбирлар тўғрисида”ги 2017 йил 22 декабрдаги 1013-сон қарорининг 4-банди ижроисни таъминлаш мақсадида

БУЮРАМАН

1. Ўзбекистон Республикаси Вазирлар Маҳкамасининг “Хукукий ахборотни тарқатиш ва ундан фойдаланишни таъминлаш тўғрисидаги Ўзбекистон Республикаси Қонунини амалга ошириш чора-тадбирлар тўғрисида”ги 2017 йил 22 декабрдаги 1013-сон қарори маълумот ва ижро учун қабул қилинсин.

2. Ўзбекистон Республикаси Адлия вазирлиги ва унинг ижтимоий-иқтисодий соҳада хукукий ҳужжатларни электрон тизим орқали қабул қилиб олиш ва масъул ходимларга ўз вақтида етказилишини таъминлашда бошқарманинг ижро интизомига масъул ходим Исаев Мухриддинхўжа Файзуллохўжа ўғли, санитария врач ёрдамчиси Саидов Алмазбек Рустамович, хукукий ҳужжатларни раҳбарлар ва ходимлар эътиборга етказиш учун бошқарманинг юристконсулти Холбоев Сирожиддин Режаб ўғли масъул этиб бириктирилсин.

3. Ушбу буйруқнинг ижроси юзасидан назорати бошқарма бошлиғи биринчи ўринбосари Ш.Нормаматов зиммасига юклатилсин.



А.Мустанов

ЧИҚИМ ХАТ 04/2440
2023 йил 13 сентябр

Шахар ва туман СЭО ва ЖСБ
бошлиқларига

Санитария-эпидемиологик-осойишталик ва жамоат саломатлиги Сурхондарё вилояти бошқармаси, Сизларга вилоят Адлия бошқармасининг 2023 йил 18 августдаги 1-22/1-8/279-сонли хабарномасини ва ўрганиш ўтказиш тўғрисидаги 2023 йил 18 августдаги 120-ум-сон буйруғини, Соғлиқни сақлаш вазирлигининг 2023 йил 18 мартдаги 19-07479-сонли хатини ҳамда Адлия бошқармасининг ҳуқуқий ахборотни тарқатиш ва ундан фойдаланиш, норматив-ҳуқуқий ҳужжатларнинг ижрочиларга етказилиши ҳамда улардаги норма ва қоидаларнинг аҳолига тушунтирилиши ҳолатини ўрганиш бўйича саволномани юбораяпти.

Ушбу саволномада кўрсатилган ҳужжатларни тайёрлаб қўйишларингиз сўралади.

Вилоят санитария-эпидемиологик
осойишталик ва жамоат саломатлиги
хизмати бошқармаси бошлиғи



А.Н.Мустанов

Баж: Н.А.Тўраев
ф.ЯНГИ ХАТ 2021 йил

ЧИҚИМ № 04/718

2023 йил 25 март

Шахар ва туман СЭО ва ЖСБ
бошлиқларига

Санитария-эпидемиологик-осойишталик ва жамоат саломатлиги Сурхондарё вилояти бошқармаси, Сизларга Соғлиқни сақлаш вазирлиги ҳузуридаги Санитария-эпидемиологик осойишталик ва жамоат саломатлиги қўмитаси Адлия вазирлигининг 2023 йил 9 мартдаги 11/42-1/689-сонли хати ижросини таъминлаш мақсадида қуйидагиларни маълум қилади.

“Хукукий ахборотни тарқатиш ва ундан фойдаланишни таъминлаш тўғрисида”ги Ўзбекистон Республикасининг 2023 йил 27 февралдаги “Техник жиҳатдан тартибга солиш тўғрисида”ги ЎРҚ-819-сонли Қонунининг 7-моддасида вазирликлар, давлат қўмиталари ва идоралар ўз соҳа фаолиятига доир норматив-хукукий ҳужжатлар мазмун-моҳияти ва аҳамиятини тушунтириш бўйича зарур ишларни ташкил этиши белгиланган.


Шунга кўра, Ўзбекистон Республикаси Адлия вазирлиги томонидан юборилган Ўзбекистон Республикасининг 2023 йил 27 февралдаги “Техник жиҳатдан тартибга солиш тўғрисида”ги ЎРҚ-819-сонли Қонуни маълумот ҳамда хукукий ахборот сифатида фойдаланиш учун юборилмоқда.

Мазкур Қонуннинг моҳияти ва аҳамиятини кенг тарғиб қилиш ҳамда тушунтириш мақсадида Адлия вазирлиги томонидан тарғибот материаллари тўплами (аннотация, слайд, инфографика) тайёрланган.

Ушбу тарғибот материалларини бўлим ходимларига етказган ҳолда, Қонуннинг мазмун-моҳияти ва аҳамиятини тушунтириш бўйича жойларда тизимли ҳамда манзилли тарғибот тадбирларини ташкил қилишингиз, шу билан бирга тарғибот тадбирларида телевидение ва радио имкониятларидан самарали фойдаланишга алоҳида эътибор қаратишингиз сўралади.

Илова: Адлия вазирлигининг 2023 йил 9 мартдаги 11/42-1/689-сонли хати, ЎРҚ-819-сон Қонун электрон нусхаси ҳамда электрон тарғибот материаллари тўплами (аннотация, слайд, инфографика).

Вилоят санитария-эпидемиологик
осойишталик ва жамоат саломатлиги
хизмати бошқармаси бошлиғи



А.Н.Мустанов

**O‘zbekiston Respublikasining “Texnik jihatdan tartibga solish to‘g‘risida”gi
Qonuni (O‘RQ–819, 27.02.2023-y.) mazmun-mohiyatini yoritish bo‘yicha
ANNOTATSIYA**

Qonunga ko‘ra, **texnik jihatdan tartibga solish** – mahsulotning xavfsizligiga, uni ishlab chiqarish jarayonlariga va usullariga doir talablarni belgilash, qo‘llash hamda bajarish, shuningdek ularga rioya etilishi muvofiqligini baholash va davlat nazoratini amalga oshirish orqali tekshirishdir.

O‘zbekiston texnik jihatdan tartibga solish agentligi texnik jihatdan tartibga solish sohasidagi maxsus **vakolatli davlat organi hisoblanadi**.

Texnik reglament — mahsulot xavfsizligining qo‘llanilishi majburiy bo‘lgan tavsiflari yoki ular bilan bog‘liq bo‘lgan ishlab chiqarish jarayonlari va usullari, qoidalar belgilangan hujjat.

Texnik reglamentlar rasmiy e‘lon qilingan paytdan e‘tiboran kamida **olti oy** o‘tgach amalga kiritiladi.

Qonunga muvofiq, texnik reglamentlar quyidagi **maqsadlarda qabul qilinadi**:

- mahsulot xavfsizligi talablarini belgilash orqali fuqarolarning hayotini yoki sog‘lig‘ini muhofaza qilish;
- atrof-muhitni, hayvonot va o‘simlik dunyosini muhofaza qilish;
- xaridorlarni (iste‘molchilarni) chalg‘itadigan harakatlarning oldini olish;
- energiya jihatdan samaradorlikni va tabiiy resurslardan oqilona foydalanishni ta‘minlash;
- savdodagi texnik to‘siqlarni bartaraf etish;
- ichki va tashqi bozorlarda mahsulotning raqobatbardoshligini oshirish.

Muvofiqlikni baholash mahsulotning, ishlab chiqarish jarayonlarining, xizmatlarning, menejment tizimlarining, xodimlarning texnik jihatdan tartibga solish sohasidagi normativ hujjatlar talablariga muvofiqligini aniqlashga doir faoliyatdir. Muvofiqlikni baholash organi muvofiqlikni baholash tartib-taomillarini bajaradigan **yuridik shaxsdir**.

Mahsulot, ishlab chiqarish jarayonlari, xizmatlar, menejment tizimi va xodimlar **muvofiqlikni baholash obyektlaridir**.

Texnik reglamentlarda belgilangan muvofiqlikni majburiy ravishda tasdiqlash quyidagi shakllarda amalga oshiriladi:

- ❖ **muvofiqlikni deklaratsiya qilish**—muvofiqligi majburiy ravishda tasdiqlanishi lozim bo‘lgan mahsulotga nisbatan rasmiylashtiriladigan hujjat.

❖ **majburiy sertifikatlashtirish**—texnik jihatdan tartibga solish sohasidagi normativ hujjatlarda belgilangan talablarga muvofiqligini tasdiqlovchi hujjat.

Qonunga ko'ra, davlat nazorati organlari o'rtasida yuqori xavf tug'diradigan mahsulot haqida tezkor ravishda o'zaro xabar berish tizimi yaratiladi va faoliyat ko'rsatadi.


Qonun rasmiy e'lon qilingan kundan e'tiboran **6 oy o'tgach** kuchga kiradi.

*Asos: O'zbekiston Respublikasining
O'RQ-819-son Qomuni (27.02.2023-y)*



"TEKNIK JIHATDAN TARTIBGA SOLISH TO'G'IRISIDA"GI QONUN MAZMUN-MOHİYATI

Manba: O'RO-819-son, 27.02.2023-y



Texnik jihatdan tartibga solish – mahsulotning xavfsizligiga, uni ishlab chiqarish jarayonlariga va usullariga doir talablarni belgilash, qo'llash hamda bajarish, shuningdek ularga rioya etilishi muvofiqligini baholash va davlat nazoratini amalga oshirish orqali tekshirishdir

O'zbekiston texnik jihatdan tartibga solish agentligi texnik jihatdan tartibga solish sohasidagi maxsus vakolatli davlat organi hisoblanadi

Texnik reglament – mahsulot xavfsizligining qo'llanilishi majburiy bo'lgan tavsiflari yoki ular bilan bog'liq bo'lgan ishlab chiqarish jarayonlari va usullari, qoidalar belgilangan hujjat

Muvofiqlikni baholash mahsulotning, ishlab chiqarish jarayonlarining, xizmatlarning, menejment tizimlarining, xodimlarning texnik jihatdan tartibga solish sohasidagi normativ hujjatlar talablariga muvofiqligini aniqlashga doir faoliyatdir


► Texnik reglamentlar rasmiy e'lon qilingan paytdan e'tiboran kamida **6 oy o'tgach** amalga kiritiladi

Texnik reglamentlar quyidagi maqsadlarda qabul qilinadi:

- ✕ mahsulot xavfsizligi talablarini belgilash orqali **fuqarolarning hayotini yoki sog'lig'ini** muhofaza qilish
- ✕ **atrof-muhitni, hayvonot va o'simlik** dunyosini muhofaza qilish
- ✕ xaridorlarni (**iste'molchilarni**) **chalg'itadigan** harakatlarning oldini olish
- ✕ energiya jihatdan samaradorlikni va tabiiy resurslardan **oqilona foydalanishni** ta'minlash
- ✕ savdodagi **texnik to'siqlarni** bartaraf etish
- ✕ ichki va tashqi bozorlarda mahsulotning **raqobatbardoshligini** oshirish



Muvofiqlikni baholash organi muvofiqlikni baholash tartib-taomillarini bajaradigan yuridik shaxsdir



Mahsulot, ishlab chiqarish jarayonlari, xizmatlar, menejment tizimi va xodimlar **muvofiqlikni baholash obyektlaridir**

Texnik reglamentlarda belgilangan muvofiqlikni majburiy ravishda tasdiqlash quyidagi shakllarda amalga oshiriladi:



muvofiqlikni deklaratsiya qilish – muvofiqligi majburiy ravishda tasdiqlanishi lozim bo'lgan mahsulotga nisbatan rasmiylashtiriladigan hujjat



majburiy sertifikatlash – texnik jihatdan tartibga solish sohasidagi normativ hujjatlarda belgilangan talablarga muvofiqligini tasdiqlovchi hujjat



XALQIMIZ ERTAGA EMAS, UZOQ KELAJAKDA EMAS, AYVAN
BUGUN O'Z HAYOTIDA IJOBIY O'ZGARISHLARNI KORISHNI ISTAYDI.
BIZNING MEHNATKASH, OQKO'NGIL, BAG'RIKENG XALQIMIZ
BUNGA TO'LA HAQLIDIR.

SH. M. MIRZIYOYEV

